



Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

§. I. Inculcatur iterum omnia à Deo benè fieri; nosque capaces non esse
qui de rerum euentibus judicemus, aut quidquam statuamus.

urn:nbn:de:hbz:466:1-13517

tique tenebras conantur aspergere. Ac imprimis illud quasi capitale occurrit, Dei Prouidentiā si regerentur cuncta, certè non permittenda scelera, quibus & Dei gloriæ multum detrahitur, & mundus concutitur vniuersus. Hæc petra scandalū, iis quibus statutum est ruere, sesequè præcipitare. Verùm occurrere eis placet: Diuinitatisque acturus causam, ostendam imprimis, ultimum finem quem Deus in omnibus suis spectat actionibus, esse suam Gloriam, seu Diuinitatis suæ manifestationem. Vnde secundum liquidò elucescat: nimirum optimâ ratione ductum, scelera quantumuis grauia permisisse, nullaque in re, Prouidentiæ suæ mirabilem artem præclarius ostendisse, quam cum per ipsa scelera, gloriæ suæ, imò & hominum commodis, maximæ adiicit incrementa.

§. I.

Inculcatur iterum, omnia à Deo bene fieri, nosque capaces non esse, qui de rerum euentibus iudicemus, aut quidquam stautamus.

I. **M**aneat igitur illud fixum ratumque fundamentum, cui totam mentis nostræ, cogitationum, iudiciorumque machinam, tranquilla ut sit, incumbere necesse est. Primò quidem, nihil proflus in totâ naturâ rerumque serie agi, quod non Deo destinante & dirigente agatur. Idque non temere & prout casus fert, sed post infinita studia, omnibusque rectè expensis & perpenfis eum statuisse, quidquid mihi aliisque obuenit: eaque cō quō obueniunt tempore, cō locō, per eas ipsas personas accidere, mihi naturæque longè fuisse conducibilius. Quod quidem idcirco speciatim dico, quod videam, cū rem ipsam quæ nobis accidit incusare non audemus, ne Diuinæ videamur refragari voluntati, tum verò modum circumstantiasque arrodere. Si que conquerimur passim, petimusque; an tum omnino necessaria esset pluvia cum iter adornabamus? an tum omnino ægrotandum, cū religionis opera agitabamus animo? an tum morte dissoluendum matrimonium, cū res domesticæ prosperè incipiebant fluere? an tum vitæ filia incidenda filio, postquam plurimâ

*Omnia
qua eue-
niunt, bene
euentre, &
bono mo-
do, iudicâ-
dum est.*

rimâ educatus curâ & ære, in spem matris adeptâ surgebat dignitate: bella hæc differri an non poterant? aduersitatemque quas patimur, an non ab alijs, quam ab his qui eas inferunt, poterant immitti? Infinitæ sunt eiusmodi nostrum omnium querimoniaz: de modô querimur, ubi rem ipsam improbare penitus non audemus.

*Quisquis-
si persua-
deat nō esse
capacēs,
qui iudicet
quid sit
melius ne-
que reipu-
blica,*

Ad hæc non aliud habeo quod reponam, quam quodd sine circumstantijs, euentum ipsum non disposuerit Deus, neque circumstantias sine euentu. Rationes omnium perspectas qui habuerit, erit imposterum mihi Deus. Illud scio, à Diuinâ Mente in hunc ordinem cuncta non casu, sed summâ industriâ fuisse digestâ; cumque morbum, eam tempestatem, illud bellum, eam iniuriam, id genus mortis & non aliud, hoc tempore & non futuro quocumque, per hos homines & non per alium ullum mihi superuenire, fuisse conuenientius, & mihi naturæue, & me natu ramque dirigenti Deo. Hoc fixum, hoc ratum sit. Hic sto, hic quiesco.

*Alterum quō proiectam in diuinis consilijs diiudicandis pe-
tulantiam, audacemque temeritatem penitus frænem, imò in-
fringam, est stupor imbecillitasque mentis meæ, tam cœcè in-
sententiam ferendam proflicantis: cùm nihil tam clarum sit,
quam quid sit modò melius, quid conuenientius determinare,
nobis neque generatim, neque etiam speciatim esse possibile.
Dic sodes, generatim naturæ quid sit melius, hodie pluere an
non pluere? ventos & quidem hos, & quidem hâc vehemen-
tiâ spirare, an quiescere? quis hîc loqui audeat, nisi cui tota na-
tura penitus est perspecta, omniumque camporum animalium-
que nota & expensa est necessitas? Quid conuenientius sit, mor-
bis vexari ciuitates, bellis Rempublicam, cuius est id diiudicare,
nisi cui id etiam notum est, qui demum morbos bellaque con-
sequenter casus, & quidem longâ euentuum serie? nam morbos
pestesque, plurima ciuitatibus bona consecuta sunt; multa et-
iam per bella in Rempublicam inuecta sunt commoda, quibus
iam in pace, ad quam tamen tantopere anhelabant, sese carere;
Belgæ cùm hæc scribimus consitentur, & nonnulli etiam deplo-
rant. Sic pax nonnunquam peior bello est; & victoriæ inge-
tes, victores ipsos sàpissimè euerterunt.*

*Quid igitur tantopere clamamus? quid conquerimur? quid
statuimus,*

2.

statuimus, quid decernimus miseri homunciones, quorum consilia tam aut nulla sunt, aut infirma? Certe ut rectissime monet Sapiens, *Cogitationes mortalium timidæ*, *Et incertæ prouidentiæ nostræ*. Vis scire cur timidæ? quia in tenebris sumus. Sicque nobis accedit, id quod concubiâ nocte in conlaui sibi ignoto, sine lumine ambulanti; omnia timet quia ignorat omnia; etiam tuta timet, quia nescit ubi figat pedem; & vt fixerit, nescit quid porrò deinceps sit. Ita nobiscum agitur, ne quidem harum, quibus inhæremus, rerum circumstantias omnes perspicimus; quid deinde futurum sit ignoramus plane; timidæ igitur ut sint cogitationes hominum necesse est, neque firmæ conceptiones eorum ut habet Syriaca expositio. Non habemus ubi pedem figamus lapsus securi: idcirco, ut fert textus Arabicus, *Cogitationes mortalium sunt timores*, quidquid enim agis, semper de rei euentu timendum est. Amens sit certe, qui ignoto loco, in tenebris constitutus, sine duce, pro suo libitu quaquauersus eum tulerit impetus, ferri vult; & tum forte prolapsus, de ruinâ tamquam de iniuriâ sibi illatâ, apud obuios quoque conqueratur. Amentior, qui ducis omnia præscientis præcipitia, oblata manum ferox auersatur, eamue cœcus plane suo nihilominus vult arbitrio moderari. Cœcus es, ô homo, qui cuncta dijudicare vis; præteritorum immemor, præsentium ignarus, futurorum ignorans; & tu iudicium de rebus fers, nec erubescis? stupidum te agnoscis, mentis lumine te captum scis, & nequum files? naturæ directori Sapientissimo, consiliorum omnium arbitro acutissimo audes obstrepere? Amens & ipse sim, si de hâc re pluribus tecum agam.

3.

Verum si tuis te in rebus, domesticâque familiâ contemplandâ acutiores putas, tibique saltem quid magis congruat arbitraris videre te; ad unicum hoc quod modò interrogo responde, & eris mihi magnus Apollo. Filium hunc quem tanto studio enutris, aspice. Aspexisti? dic modò, vtrum conuenientius iudicas & magis è re tuâ, eum tibi superiuere, an à te mortuum efferrri? quid hæres, quid stas? quin quod iudicas plane eloqueris? verum quid isthæc te interrogo, quem iudicium sanum ferre non posse, certò scio? quis enim id rectè feret, nisi qui præsciatis, futura filij, latura quid sit dies? verum id quidem est, vallet ingenio, manu est promptus, valetudine admodum firmâ

T est;

neque domestica & primitiva

est; matrī iam seni poterit esse solatio, & verò etiam adiumento. Fateor, sic est, poterit: at quid facturus sit, quis id scit? Quād multos vidimus ingratissimos filios, immemores à quibus vitam hauserint, vitæ auctoribus interitum accelerasse? & pro his ipsis, cūm in infantiā ægrotarent, vota fecistis miseri iam parentes; pro his Deo, Diuisque supplices, preces anathemataque deuouistis: nihil non actum, ut barbarus hic vitam protraheret. Enviuit, vti voluistis; viuit, sed in paternos maternosque luctus. Baculum hunc esse volebatis senectutis vestræ; baculus nunc est, baculum experimini; non quidem cui innitamini, sed cuius immanes ictus, verūm impios perferatis. Quis modo vobis est sensus? quod iudicium? cur tantopere pro tam immani vitâ estis deprecati? Nihil sane aliud proferre potestis, quād obuium illud, Euenire hoc posse non credideram.

Hinc aequi-
quiescendū
est rerum
conuentibus,
quos impe-
dire non est
in manu
tuā.

6.
Hoc tantum ut fatearis volo, quisquis tibi videris sapere; sapis id si agnoueris, *Incertas esse prouidentias nostras*. Diudicare dum volumus quid sit conuenientius, nihil iudicō, conjecturis agimus omnia. Proinde nihil à fundamento cui innitor dimotus, securus mei pronuntio, omnia conuenientius fieri quæ sunt modò, quād quæ melius fieri posse, possem suspicari. Proinde cum iam fruamur pace, quantumcumque multis sit incommoda, dico conducibilius esse iam carere bellis, pacisque bonis vt cumque frui; cras si bellum ingruat, cras bellum præferam. Cùm serenum erit cælum, illud præ pluvio approbabο; cùm verò Iupiter maduerit, madere debuisse clare dicam. Dum spiro, dum vitæ traho, eam mihi præoptabo; cùm mors ingruerit, eam vitæ anteponam. Quā tandem inductus ratione? vnicā hāc, quia omnibus recte appensis, trutinatis, & expensis, tandem sic visum Deo, qui videt omnia. Hic non cœcutio, clare id sic esse planeque perspicio. Ceterū in rationibus sigillatim examinandis cœcus sum, fateor: sed ducentem sequor, & quidem non cœcum D̄um.

7.
Hæc strictim dixi, sigillatim expositurus omnia. Id tamen iam generatim dicendum est, omnia ea quæ in manu nostrâ non est auertere, aut impedire, conuenientius esse ut nobis accidunt. Nam impediti mortem (exempli causâ) à me non posse, id inde fit quod Deus circumstantias omnes instrumentaque ita pro tempore, loco, & personarum conditignibus, disposuerit, ut cuius-

eari non possit euentus ille, quem suis rebus, hoc est, yniuersitatis administrationi rectæ, iudicauerat expedire. Euentus itaque iste à Deo est: & hoc satis est ut acquiescam.

§. II.

*Vt autem plenè acquiescamus, iudicemusque omnia optimè fieri,
ostenditur quod finis vltimus omnium actionum Dei, sit eius
gloria. Hinc desumitur noua praxis gaudendi in rebus prospe-
ris, que & aduersis conuenit.*

8.

Alterum tranquillitatis fundamentum, quodque adhuc vacilanti, dubitantiq; an conuenientissimo modo Deus exequatur omnia, planè satisfaciet; est, id sibi habere præstitutum; Finem vltimum quem sibi præfixit Deus, nullum alium esse, quam Diuinitatis suæ honorem & Gloriam; quæ quidem in eo primò est posita, vt creaturas ratione præditas in æternæ salutis portum inducat: Deinde vt conuenienter totam hanc mundi machinam, quâ tanquam nauis ferimur, in hunc finem dirigat prouidus Deus. Certè negare non possumus totam hanc cælorum, elementorumque molem humanis planè visib; subseruire; neque adeo esse vt sint, quam vt homini, secundum naturæ suæ necessitatem, bene sit. Non autem Deus vult homini, vt ei à creaturis cæteris bene sit, nisi quia præ cæteris omnibus, melius vult vt sit homini, non autem melius esset homini, nisi ad altiora destinatus foret homo à Creatore Deo. Si enim aliud futurus non est, quam quod nunc naturâ est, melius certè homini præ cæteris creaturis non erit, quæ & hoc quoque naturâ sunt, quod sunt. Verum altiorem tibi, o homo, dignitatem prouidit Deus: ad cælum duceris o Natura, supra Naturam prouehenda; hoc tantum felix nomine, isthuc quod duceris.

9. Ad hoc omnia collimant Dei studia; ad hoc orbium cælestium globos, ad hoc Solem, ad hoc terram, elementaque omnia conservat, souet & gubernat; non vt illa sint, sed vt tibi sint, tibique seruant. Sic nauiculus instrumentis suis inuigilat, nauis curam gerit, oblitus, firmatque, vela construit, expandit, ventos captat,

T 2